

ინოვაციები: უალტერნატივო გზა კონკურენტუნარიანობისაქენ საერთაშორისო სტატისტიკური გამოკვლევების მიმოხილვა

შესავალი

მსოფლიო ეკონომიკა და მთლიანად საზოგადოება ჩვენს თვალწინ თავბრუდამხვევი სისწრაფით იცვლება. შესაბამისად იზრდება ინტერესი სტატისტიკისადმი, რომელიც მოწოდებულია ასახოს ეს ცვლილებები, მისი მიმდინარეობა და შედეგები. სტატისტიკის მიზანია, საერთაშორისო სტატისტიკური კვლევების მონაცემთა საფუძველზე, გამოიკვლიოს ის მდგომარეობა და ძირითადი ტენდენციები, რომლებიც იკვეთება ჩვენს ქვეყანაში კვლევებისა და ინოვაციების სფეროში. სამწუხარო რეალობა ისეთია, რომ ქვეყნის სტატისტიკური სისტემა ვერ უზრუნველყოფს ამ და სხვა ტენდენციების პერმანენტულ კვლევებს. თუმცა, საერთაშორისო ორგანიზაციები სულ უფრო აფართოებენ იმ ინფორმაციის წრეს, რაც ეკონომიკური აქტივობის ამა თუ იმ სფეროსა სტატისტიკურ კვლევასა და მათ საერთაშორისო შესადარისობის შესწავლას უწყობს ხელს.

მსოფლიო ეკონომიკური ფორუმი ერთ-ერთია იმ საერთაშორისო ორგანიზაციებს შორის, რომლებიც ხელმისაწვდომს ხდიან საზოგადოებისათვის საერთაშორისო შედარებებისათვის აუცილებელ ინფორმაციას. სამ ათეულ წელზე მეტია იგი ყოველწლიურად აქვეყნებს გლობალური კონკურენტუნარიანობის ანგარიშს, შეისწავლის რა ეროვნული ეკონომიკების კონკურენტუნარიანობის დონეს¹. ამ საქმიანობის თავდაპირველი მიზანი იყო დახმარებოდა ქვეყნებს იმ წინააღმდეგობების დაძლევაში, რაც ხელს უშლის მათ სტაბილური წინსვლისა და განვითარების სწორი სტრატეგიისა და პოლიტიკის შემუშავებაში. დროთა განმავლობაში აღნიშნული საქმიანობის მიზნად კვლავ რჩებოდა და რჩება ეროვნული ეკონომიკების სტრუქტურული საფუძვლების მნიშვნელობის წინ წამოწევა მდგრადი განვითარების ტენდენციების მისაღწევად.

2005 წლიდან მსოფლიო ეკონომიკური ფორუმის კონკურენტუნარიანობის ანალიზი ემყარება გლობალური კონკურენტუნარიანობის ინდექსს, როგორც ეროვნული კონკურენტუნარიანო-

ნანა ასლამაზიშვილი,
ეკონომიკის აკადემიური დოქტორი,
საქართველოს ეროვნული ბანკის
მონეტარული სტატისტიკის
განყოფილების უფროსი
მარიამ ღათაშვილი –
სტუ-ს მაგისტრანტი

ბის მიკრო და მაკრო საფუძვლების შემსწავლელ ყოვლისმომცველ ინსტრუმენტს. 2012-2013 წლებისათვის ამ მაჩვენებლის მიხედვით შედგენილ რეიტინგში საქართველომ 77-ე ადგილი დაიკავა 144 ქვეყანას შორის, რაც 11 პოზიციით გაუმჯობესებული მაჩვენებელია 2011-2012 წლების რეიტინგთან შედარებით.

წინამდებარე სტატია შემდეგნაირად არის ორგანიზებული: პირველ თავში მიმოვიხილეთ გლობალური კონკურენტუნარიანობის არსი და მისი შემსწავლელი ინდიკატორები; მეორე თავი ეძღვნება ინოვაციური აქტივობის შემსწავლელ ინდიკატორებს და მათ მიხედვით განსაზღვრულ მსოფლიო რეიტინგებში საქართველოს მიერ დაკავებულ პოზიციებს; მესამე თავში განხილულია ფინანსებზე წვდომის არსი და მისი არსებული ხარისხი საქართველოსა და დანარჩენ მსოფლიოში; მეოთხე თავი იხილავს ინოვაციური ტექნოლოგიების მასშტაბებს თანამედროვე მსოფლიოში; მესამე თავში განხილული საკითხები ეხება ინოვაციების მამოძრავებელ მაკროეკონომიკურ გარემოს საქართველოში და მასთან დაკავშირებულ პრობლემებს. ბოლოს წარმოდგენილია ძირითადი მიგნებები და წინადადებები.

იმდენად, რამდენადაც სტატიაში განხილული თემატიკის შესაბამისი სტატისტიკური ინფორმაციის მოპოვება (ზოგიერთი გამონაკლისის გარდა) საქართველოში შეუძლებელია შესაბამისი დაკვირვებების სისტემის არარსებობის გამო, ჩვენ გამოვიყენეთ მსოფლიო ეკონომიკური ფორუმის, მსოფლიო ბანკის, საერთაშორისო სავალუტო ფონდისა და საერთაშორისო ფინანსური კორპორაციის მიერ ჩატარებული კვლევების მონაცემები.

¹<http://www.weforum.org/>

1. გლობალური კონკურენტუნარიანობა, როგორც ასეთი


„სტატისტიკა ერთადერთი მეცნიერებაა, რომელიც
საშუალებას აძლევს სხვადასხვა ექსპერტს
გამოიყენონ ერთი და იგივე მონაცემები
განსხვავებული დასკვნების გასაკეთებლად“
ჟვან უზარი
ამერიკელი იუმორისტი (1899-1995)

კონკურენტუნარიანობა განისაზღვრება, როგორც ინსტიტუციების, პოლიტიკისა და ქვეყნის მწარმოებლურობის დონის განმსაზღვრელი ფაქტორების ერთობლიობა. კონკურენტუნარიანობის დონეს განსაზღვრავს სტაბილური ზრდისაკენ ქვეყნის მიდრეკილების ხარისხი.

რა ინსტრუმენტებს ეფუძნება შესაბამისი შეფასებები?

კონკურენტუნარიანობის დონის შეფასებისათვის გამოიყენება კონკურენტუნარიანობის ინდექსი. მისი გაანგარიშება ეფუძნება 12 ძირითად მაჩასიათებელს, რომელთაგან თითოეული მთელი რიგი მაჩვენებლის საფუძველზე იანგარიშება².

აღნიშნული 12 მაჩვენებელი 3 ჯგუფად ნაწილდება და შესაბამის ქვეინდექსებს აყალიბებს (იხ. სქემა; ფრჩხილებში მოცემული ციფრები მიუთითებს, თუ რამდენი მაჩვენებლის საფუძველზე იანგარიშება მოცემული ინდიკატორი):



²The Global Competitiveness Report 2012-2013. World Economic Forum – Geneva Switzerland 2012. P.8. <http://reports.weforum.org/global-competitiveness-report-2012-2013/#>

ეკონომიკური თეორიის პრობლემები

სქემაზე მოცემულ მაჩვენებელთა სიმრავლე მიუთითებს, თუ რამდენად კომპლექსური ფენომენია ამა თუ იმ ქვეყნის კონკურენტუნარიანობა. თუმცა, ამჯერად ჩვენი მიზანია ქვეყანაში ინოვაციური აქტივობისა და მისი შემსწავლელი მაჩვენებლების ხელმისაწვდომობის ანალიზი.

მანამდე კი, პრობლემის აქტუალობის დასადგენად, ინოვაციური აქტივობის მხრივ სხვა ქვეყნებთან მიმართებაში ჩვენი ქვეყნის რაოდენობრივი მაჩვენებლები მიმოვიხილოთ.

2. ინოვაციური აქტივობის შემსწავლელი მაჩვენებლები

“ჩვენ გვჭირდება სტატისტიკა არა მარტო იმიტომ, რომ ავხსნათ ფაქტები, არამედ იმიტომაც, რომ ვიცოდეთ რა უნდა ავხსნათ”

ი. შუმპეტერი


ეკონომისტი და პოლიტოლოგი (1883-1950)

ძირითადი ხაზი, რომელიც იკვეთება კონკურენტუნარიანობის ინდექსისა და მისი შემადგენელი კომპონენტების ემპირიული ანალიზისას, მდგომარეობს იმაში, რომ ჩვენი ქვეყნის კონკურენტუნარიანობის ინდექსის დინამიკა ავლენს აშკარა შეუსაბამობას ამავე ინდექსის შემადგენლისეთი ინდიკატორების დინამიკასთან, როგორებიცაა მაკროეკონომიკური გარემო, ანტიმონოპოლიური პოლიტიკის ეფექტიანობა, ინოვაციური შესაძლებლობები, მესამე დონის განათლების მქონეთა წილი სამუშაო ძალაში, თანამშრომელთა გადამზადების მასშტაბები, წარმოების დახვეწილობის დონე და ა.შ., რომელთა მიხედვითაც შედგენილ მსოფლიო რეიტინგებში საქართველო ასეულს მიღმა იკავებს პოზიციებს; მაჩვენებელთა უმრავლესობის მიხედვით საქართველოს რეიტინგი დაბალია საშუალოზე დაბალი შემოსავლების მქონე ქვეყნების ჯგუფის საშუალო მაჩვენებელზე და პოსტ-საბჭოთა ქვეყნების უმეტესობაზე უარესი სარეიტინგო პოზიციები აქვს. განსაკუთრებით ჩამორჩება იგი ბალტიის ქვეყნებს, რომელთაგანაც ესტონეთი თითქმის ყველა რეიტინგის მიხედვით უკეთეს პოზიციას უჭენებს.

მსოფლიო ეკონომიკური ფორუმის გაანგარიშებებით 2012-2013 წლებისათვის ინოვაციური აქტივობის ინდექსმა საქართველოსათვის 2.6 შეადგინა, რის მიხედვითაც იგი 126-ე ადგილს იკავებს 144 ქვეყანას შორის.

ინოვაციური აქტივობის დონე 7 მაჩვენებლის კომბინირების შედეგად მიიღება, რომლებიც თავის მხრივ შესაბამის ინდიკატორებზე დაკვირვებას ეფუძნება. ეს მაჩვენებლებია: (1) ინოვაციური შესაძლებლობები (Capacity for Innovation); (2) სამეცნიერო კვლევითი ინსტიტუტების ხარისხი (Quality of scientific research institutions); (3) კომპანიების დანახარჯები კვლევებსა და განვითარებაზე (Company Spending on R&D); (4) უნივერსიტეტებისა და წარმოების თანამშრომლობა კვლევებისა და განვითარების სფეროში (University-Industry collaboration in R&D); (5) მოწინავე

დიაგრამა 1. ინოვაციური აქტივობა საქართველოსა და საშუალოდ მსოფლიოში, 2012-2013 წწ. (1-7 ბალი)




ტექნოლოგიური პროდუქტების სახელმწიფო შესყიდვები (Government procurement of advanced tech products); (6) მეცნიერთა და ინჟინერთა რაოდენობა (Availability of scientists and engineers); (7) პატენტების რაოდენობა მილიონ მოსახლეზე გაანგარიშებით (PCT patents, applications/million population).

აღსანიშნავია, რომ თითქმის ყველა ზემოაღნიშნული მაჩვენებლის მიხედვით საქართველო მნიშვნელოვნად ჩამორჩება 144 ქვეყნის მიხედვით გაანგარიშებულ საშუალო ანალოგიურ მაჩვენებელს. გამონაკლისს წარმოადგენს მოწინავე ტექნოლოგიური პროდუქტების სახელმწიფო შესყიდვების მაჩვენებელი, რომლის მიხედვითაც (კოეფიციენტი 3.7, საშუალო მაჩვენებელი 3.6) საქართველო 61-ე ადგილზეა (იხ. დიაგრამა). თუ გავითვალისწინებთ იმ გარემოებას, რომ ყველა ეს მაჩვენებელი 7-ბალიანი სისტემითაა წარმოდგენილი, საქართველო ყველა პარამეტრის მიხედვით ინოვაციებისადმი საკმაოდ ინერტულ დამოკიდებულებას ავლენს.

რაც შეეხება პატენტების რაოდენობას მილიონ მოსახლეზე გაანგარიშებით, ეს მაჩვენებელი საქართველოსათვის 1.5-ს შეადგენს (მე-60 ადგილი რეიტინგში). შედარებისათვის, ეს მაჩვენებელი 311.0-ს შეადგენს შვედეთში, რომელსაც რეიტინგში პირველი ადგილი უკავია ამ მაჩვენებლის მიხედვით; ესტონეთში - 34.6-ს (26-ე ადგილი); ლატვიაში - 12.5-ს (30-ე ადგილი); ლიტვაში - 6.2-ს (39-ე ადგილი); რუსეთში - 5.5-ს (44-ე ადგილი); უკრაინაში - 2.1 (51-ე ადგილი).

ანალოგიური მდგომარეობა აქვს საქართველოს ინოვაციური აქტივობის მხრივ საშუალოზე დაბალ შემოსავლიანი ქვეყნების ჯგუფის მიხედვით საშუალო მაჩვენებელთან შედარებით (რომელი ქვეყნების ჯგუფშიც ერთიანდება საქართველო მსოფლიო ბანკის კლასიფიკაციით):



რაზე მიაწინებს ეს რეიტინგები და რა პრობლემებთან გვაქვს საქმე?

როგორც ზემოთ აღვნიშნეთ, მსოფლიო ეკონომიკური ფორუმის გლობალური კონკურენტუნარიანობის ინდექსი დღეისათვის მიჩნეულია ეროვნული კონკურენტუნარიანობის მიკრო და მაკრო საფუძვლების შემსწავლელ ყოვლისმომცველ ინსტრუმენტად. ის მაჩვენებელთა სისტემა, რომელიც ემსახურება ამ ინდექსის გაანგარიშებას (იხ. სქემა 1), ეროვნული კონკურენტუნარიანობის განმსაზღვრელ ფაქტორთა ურთიერთდაკავშირებული და ურთიერთგანმაპირობებელი კომპონენტების ლოგიკურ მთლიანობას წარმოადგენს. ამიტომაც, გლობალური კონკურენტუნარიანობის ინდექსის ქვეინდექსები კარგად ხსნის ინოვაციური აქტივობის არსებულ დონეს და მის განმაპირობებელ ფაქტორებს.

რა ფაქტორები განაპირობებს ჩვენ ქვეყანაში ინოვაციური საქმიანობისადმი არსებულ დამოკიდებულებას? ამ კითხვაზე პასუხის გასაცემად ჩვენ გამოვიყენეთ გლობალური კონკურენტუნარიანობის შეფასების მაჩვენებელთა სისტემა და ამ უკანასკნელთაგან გამოვიყავით ისეთი-მაჩვენებლები, როგორებიცაა:

- უმაღლესი განათლების მქონეთა წილი შესაბამისი ასაკის მოსახლეობაში;
- ინტელექტუალური საკუთრების დაცვა;

ეკონომიკური თეორიის პრობლემები

- საგანმანათლებლო სისტემის ხარისხი;
- მათემატიკური და სამეცნიერო განათლების ხარისხი;
- სკოლების მართვისა და საქმიანობის შეფასება;
- ინტერნეტზე წვდომა სკოლებში;
- კვლევითი და სატრენინგო მომსახურების ხელმისაწვდომობა;
- თანამშრომელთა ტრენინგების მასშტაბები;
- ადგილობრივი კონკურენტუნარიანობის ინტენსიურობა;
- ანტიმონოპოლიური პოლიტიკის ეფექტურობა;
- მომხმარებელზე ორიენტაციის ხარისხი;
- პროფესიული მენეჯმენტის შესაბამისობა;
- „ტვინების“ გადინება;
- ფინანსური მომსახურების ხელმისაწვდომობა;
- ფინანსური მომსახურების ხელსაყრელობა;
- სესხის მიღების სიოღლე;
- ვენჩურული კაპიტალის ხელმისაწვდომობა.

სწორედ ეს მაჩვენებლები, პირდაპირ და/თუ არაპირდაპირ მნიშვნელოვანწილად განსაზღვრავს ეკონომიკური ერთეულების ინოვაციური აქტივობების მიმართ დამოკიდებულებებს. შესაბამისად, საყურადღებო და ბევრისმოქმედია ამ მაჩვენებლების მიხედვით დადგენილ რეიტინგებში ჩვენი ქვეყნის მიერ დაკავებული პოზიციები.

კვლევებისა და ინოვაციების საფუძველი ცოდნაზე დაფუძნებული ეკონომიკაა. მსოფლიო ეკონომიკური ფორუმის მიერ ჩატარებული გამოკვლევით, 2012-2013 წლებისათვის, შესაბამისი ასაკის მოსახლეობაში უმაღლესი განათლების მქონეთა ხვედრითი წილის მიხედვით საქართველო 28.2 პროცენტით 77-ე ადგილს იკავებდა 144 ქვეყანას შორის. აღსანიშნავია, რომ ყოფილი პოსტსაბჭოთა ქვეყნებიდან ამ მაჩვენებლის მიხედვით საქართველოზე უკეთეს პოზიციას 9 ქვეყანა იკავებს: მოლდოვა (38.1 პროცენტი და 66-ე ადგილი), ყაზახეთი (40.8 პროცენტი და მე-60 ადგილი), ყირგიზეთი (48.3 პროცენტი და 53-ე ადგილი), სომხეთი (51.5 პროცენტი და 50-ე ადგილი), ლიტვა (60.1 პროცენტი და 34-ე ადგილი), ესტონეთი (62.7 პროცენტი და 27-ე ადგილი), ლიტვა (74.0 პროცენტი და მე-16 ადგილი), რუსეთი (75.9 პროცენტი და მე-12 ადგილი), უკრაინა (79.5 პროცენტი და მე-10 ადგილი). მეტიც: 2006-2007 წლების ანალოგიური გამოკვლევით, საქართველოში აღნიშნული მაჩვენებელი 41.0 პროცენტს შეადგენდა (ანუ 12.8 პროცენტული პუნქტით მეტს) და მსოფლიო რეიტინგში მე-40 ადგილს იკავებდა.

ცნობისათვის: ევროგაერთიანების მიხედვით, კერძოდ, 15 და 27-ის ქვეყნებისათვის საშუალოდ ეს მონაცემები 64.83 და 63.26 პროცენტს შეადგენს, შესაბამისად.

აღნიშნული მაჩვენებლის ასეთი დაბალი დონე საქართველოში, სხვა ფაქტორებთან ერთად, მნიშვნელოვანწილად „ტვინების გადინების“ შედეგია. პასუხით კითხვაზე - **რამდენად მიმზიდველია თქვენი ქვეყანა ნიჭიერი ადამიანებისათვის?** (1 = არა, ნიჭიერი „ტვინები“ ტოვებენ ქვეყანას; 7 = დიახ, ნიჭიერებს ყველა შესაძლებლობები აქვთ ჩვენს ქვეყანაში), საქართველომ 3.0 ქულით 104-ე ადგილი დაიკავა. ამ მაჩვენებლის მიხედვით მსოფლოში საშუალო ქულა 3.5-ს შეადგენს; რეიტინგში პირველ ადგილს შვეიცარია იკავებს (6.3 ქულა), ხოლო ბოლოს - ალჟირი (1.5 ქულა). რეიტინგში საქართველოს მსგავსად 3.0 ქულა აქვთ ნიკარაგუას, ჰონდურასს, გვინეას, მალის, ზიმბაბვეს, იამაიკას, პარაგვაისა და გაიანას. ქვემოთ მოტანილი ცხრილი (ისევე, როგორც მომდევნო ცხრილები) გვიჩვენებს, თუ რომელი პოსტ-საბჭოთა ქვეყნები იკავებენ აღნიშნულ რეიტინგში საქართველოზე უკეთეს პოზიციას:

ცხრილი 1

ქვეყანა	ქულა (1-7)	ადგილი	ქვეყანა	ქულა (1-7)	ადგილი
საქართველო	3.0	104	ესტონეთი	3.4	78
LMICG	3.1	-	ყაზახეთი	3.4	72
ლატვია	3.1	95	აზერბაიჯანი	3.4	70
სომხეთი	3.2	88	ტაჯიკეთი	3.5	61

ნანა ასლამაზიშვილი, მარია ღათაშვილი

ინტელექტუალური საკუთრების დაცვა: რამდენადაა დაცული, მათ შორის გაყალბებისაგან, ინტელექტუალური საკუთრება თქვენ ქვეყანაში? (1 = ძალიან სუსტად, 7 = ძალიან კარგად - ასე იყო დასმული კითხვა, რომელიც ფასდებოდა 7-ბალიანი სისტემით).

ამ მაჩვენებლის მიხედვით საქართველო (2012-2013) 2.6 ქულით 126-ე ადგილზეა და 1.2 პუნქტით ჩამორჩება მსოფლიოში საშუალო მაჩვენებელს (3.8 ქულა). რეიტინგში ყველაზე მაღალი მაჩვენებლით პირველ ადგილზეა ფინეთი - 6.3 ქულა, ხოლო ბოლო ადგილზე - ჰაიტი (1.6). ისევე, როგორც საქართველოს, 2.6 ქულა აქვთ: გვატემალას, კოტდივუარის, ვიეტნამს, ლებანონს, რუსეთს, პერუსა და მოზამბიკს. ცხრილში მოცემულია ასევე საშუალოზე დაბალი შემოსავლების მქონე ქვეყნების ჯგუფის (LMICG) საშუალო ქულა მოცემული მაჩვენებლის მიხედვით.

ცხრილი 1

ქვეყანა	ქულა (1-7)	ადგილი	ქვეყანა	ქულა (1-7)	ადგილი
საქართველო	2.6	126	სომხეთი	3.4	80
LMICG ¹	3.0	-	ტაჯიკეთი	3.5	74
რუსეთი	2.6	125	ლიტვა	3.7	65
უკრაინა	2.7	120	ლატვია	3.8	57
მოლდოვა	2.8	117	აზერბაიჯანი	3.9	53
ყაზახეთი	3.2	92	ესტონეთი	4.7	34

აღსანიშნავია, რომ ინტელექტუალური საკუთრების დაცვის მაჩვენებელი საქართველოსათვის 2011-2012 წლებისათვის 2.8-ს შეადგენდა, რითაც იგი რეიტინგში 105-ე ადგილს იკავებდა.

ინოვაციური საქმიანობის განმაპირობებელ ფაქტორთა შორის ერთ-ერთი უმთავრესია ადამიანური კაპიტალი და მისი ინტელექტუალური შესაძლებლობები, რაც მნიშვნელოვნადაა დამოკიდებული ქვეყნის საგანმანათლებლო სისტემის ხარისხზე. გლობალური კონკურენტუნარიანობის ინდექსის ეფექტიანობის გაფართოების ქვეინდექსი, სხვა ფაქტორებთან ერთად, მოიცავს უმაღლესი განათლებისა და გადამზადების სფეროს ხარისხთან დაკავშირებულ ინდიკატორებს.

საგანმანათლებლო სისტემის ხარისხი: რამდენად კარგად შეესაბამება საგანმანათლებლო სისტემა კონკურენტუნარიანი ეკონომიკის მოთხოვნებს? (1 = ძალიან ცუდი, 7 = ძალიან კარგი).

ამ მაჩვენებლით შესაბამის რეიტინგში საქართველო 3.0 ქულით 114-ე ადგილზეა (საშუალო მაჩვენებელი - 3.7 ქულა); რეიტინგში პირველ ადგილს შვეიცარია იკავებს (6.0 ქულა), ხოლო ბოლოს - იემენი (1.8 ქულა). ასევე 3.0 ქულა აქვთ ისეთ ქვეყნებს, როგორებიცაა: პანამა, ჩადი, საბერძნეთი, ბრაზილია და მადაგასკარი.

მათემატიკური და სამეცნიერო განათლების ხარისხი: როგორ შეაფასებდით მათემატიკური და სამეცნიერო განათლების ხარისხს თქვენი ქვეყნის სკოლებში? (1 = ცუდი, 7 = ერთ-ერთი საუკეთესო მსოფლიოში).

ცხრილი 3

ქვეყანა	ქულა (1-7)	ადგილი	ქვეყანა	ქულა (1-7)	ადგილი
საქართველო	3.0	114	ლატვია	3.6	74
LMICG	3.3	-	სომხეთი	3.5	79
აზერბაიჯანი	3.1	109	უკრაინა	3.6	70
მოლდოვა	3.2	103	ტაჯიკეთი	3.7	67
ყაზახეთი	3.2	101	ლიტვა	4.0	54
რუსეთი	3.4	86	ესტონეთი	4.1	49

¹საშუალოზე დაბალი შემოსავლების ქვეყნების ჯგუფი. მასში შედის 54 ქვეყანა: ალბანეთი, სომხეთი, ბელიზი, ბუტანი, ბოლივია, კამერუნი, კაბო ვერდე, კონგოს რესპ., კოტდივუარი, ჯიბუტი, ეგვიპტე, ელ-სალვადორი, ფიჯი, საქართველო, განა, გვატემალა, გიუანა, ჰონდურასი, ინდოეთი, ინდონეზია, ერაყი, კირიბატი, კოსოვო, ლაოსი, ლესოტო, მარშალის კ-ბი, მიკრონეზია, მოლდოვა, მონღოლეთი, მოროკო, ნიკარაგუა, ნიგერია, პაკისტანი, პაპუა ახალი გვინეა, პარაგვაი, ფილიპინები, სამოა, საუტომა-პრინციპე, სენეგალი, სოლომონის კ-ბი, სამხრეთ სუდანი, შრი-ლანკა, სუდანი, სვაზილანდი, სირია, ტიმორ-ლესტე, ტონგა, უკრაინა, უზბეკეთი, ვანუატუ, ვიეტნამი, პალესტინის ოკუპირებული ტერიტორია (დაზა), იემენი, ზამბია.

ეკონომიკური თეორიის პრობლემები

ამ მაჩვენებლის მიხედვით მსოფლოში საშუალო ქულა 3.9-ს შეადგენს; რეიტინგში პირველ ადგილს სინგაპური იკავებს (6.3 ქულა), ხოლო ბოლოს - იემენი (1.9 ქულა). საქართველოს, აზერბაიჯანთან, თურქეთთან, ეკვადორთან და ბოლივიასთან ერთად, 3.5 ქულა აქვს (101-ე ადგილი).

ცხრილი 4

ქვეყანა	ქულა (1-7)	ადგილი	ქვეყანა	ქულა (1-7)	ადგილი
საქართველო	3.5	101	მოლდოვა	4.1	64
LMICG	3.5	-	რუსეთი	4.3	52
აზერბაიჯანი	3.5	99	ლატვია	4.3	48
ტაჯიკეთი	3.7	91	უკრაინა	4.6	34
ყაზახეთი	3.8	81	ესტონეთი	5.0	19
სომხეთი	4.0	71	ლიტვა	5.2	16

სკოლების მართვის ხარისხი: როგორ შეაფასებდით სკოლების მართვასა და საქმიანობას თქვენს ქვეყანაში? (1 = ცუდი, 7 = ერთ-ერთი საუკეთესო მსოფლიოში).

ამ მაჩვენებლის მიხედვით მსოფლოში საშუალო ქულა 4.2-ს შეადგენს; რეიტინგში პირველ ადგილს გაერთიანებული სამეფო იკავებს (6.1 ქულა), ხოლო ბოლოს - ლიბია (2.3 ქულა). საქართველოს, ომანის, ეთიოპიის, ჰონდურასის და სლოვაკეთის მსგავსად, 3.6 ქულა აქვს (110-ე ადგილი).

ცხრილი 5

ქვეყანა	ქულა (1-7)	ადგილი	ქვეყანა	ქულა (1-7)	ადგილი
საქართველო	3.6	110	ლატვია	4.2	67
LMICG	3.8	-	ლიტვა	4.3	57
ყაზახეთი	3.7	103	ესტონეთი	4.5	48

ინტერნეტზე წვდომა სკოლებში: როგორ შეაფასებდით ინტერნეტზე წვდომის დონეს თქვენი ქვეყნის სკოლებში? (1 = ძალიან შეზღუდული, 7 = ხელმისაწვდომი).

ამ მაჩვენებლის მიხედვით მსოფლოში საშუალო ქულა 4.1-ია; რეიტინგში პირველ ადგილს ისლანდია იკავებს (6.5 ქულა), ხოლო ბოლოს - ჩადი (1.5 ქულა). საქართველოს, ტაილანდის, რუმინეთის, რუანდის, ყაზახეთის და თურქეთის მსგავსად, 4.3 ქულა აქვს (65-ე ადგილი). მოცემულ რეიტინგში საქართველოს ზემოთ, მოწინავე ქვეყნებთან ერთად, შესაბამის ადგილებს შემდეგი პოსტსაბჭოთა ქვეყნები იკავებენ:

ცხრილი 6

ქვეყანა	ქულა (1-7)	ადგილი	ქვეყანა	ქულა (1-7)	ადგილი
საქართველო	4.3	65	ლატვია	5.4	32
LMICG	3.4	-	ლიტვა	5.8	23
უკრაინა	4.4	62	ესტონეთი	6.4	2
მოლდოვა	4.4	61			

სპეციალიზებული კვლევითი და სატრენინგო მომსახურების ადგილობრივად ხელმისაწვდომობა: რამდენად მასშტაბურია თქვენს ქვეყანაში სპეციალიზებული სატრენინგო მომსახურება? (1 = არ არის ხელმისაწვდომი, 7 = ფართოდ ხელმისაწვდომი).

ამ მაჩვენებლის მიხედვით მსოფლოში საშუალო ქულა 4.1-ია; რეიტინგში პირველ ადგილს შვეიცარია იკავებს (6.4 ქულა), ხოლო ბოლოს - ბურუნდი (2.2 ქულა). საქართველოს, ჩადის, ალბანეთის, კაბო ვერდეს, პარაგვაის და მაგრიტანიის მსგავსად, 3.3 ქულა აქვს (119-ე ადგილი).

ნანა ასლამაზიშვილი, მარია ღათაშვილი

ცხრილი 7

ქვეყანა	ქულა (1-7)	ადგილი	ქვეყანა	ქულა (1-7)	ადგილი
საქართველო	3.3	119	რუსეთი	4.0	80
LMICG	3.7	-	ყაზახეთი	4.1	72
მოლდოვა	3.4	119	ლატვია	4.1	69
სომხეთი	3.5	106	აზერბაიჯანი	4.4	49
უკრაინა	3.7	98	ლიტვა	4.4	48
ტაჯიკეთი	3.8	88	ესტონეთი	4.6	39

თანამშრომელთა ტრენინგების მასშტაბები: რამდენად მასშტაბურია თქვენს ქვეყანაში კომპანიების ინვესტიციები თანამშრომელთა ტრენინგებში?(1 = საერთოდ არ არის მასშტაბური, 7 = ძალიან მასშტაბურია).

საქართველო ამ რეიტინგში 3.6 ქულით 101-ე ადგილზეა. მსოფლოში საშუალო ქულა 3.9-ის ტოლია; რეიტინგში პირველ ადგილს შვეიცარია იკავებს (5.6 ქულა), ხოლო ბოლოს - ჰაიტი (2.3 ქულა). საქართველოს მსგავსად 3.6 ქულა აქვთ: ნიკარაგუას, კოლუმბიას, უგანდას, ლიბანს, ბოლივიას, ვენესუელას, ესპანეთს, სომხეთსა და უკრაინას.

ცხრილი 8

ქვეყანა	ქულა (1-7)	ადგილი	ქვეყანა	ქულა (1-7)	ადგილი
საქართველო	3.6	101	ყაზახეთი	3.9	72
LMICG	3.7	-	ლიტვა	4.0	66
სომხეთი	3.6	98	აზერბაიჯანი	4.1	56
რუსეთი	3.7	89	ლატვია	4.1	53
ტაჯიკეთი	3.8	79	ესტონეთი	4.2	46

ინოვაციურ აქტივობას მნიშვნელოვანწილად განსაზღვრავს კონკურენტული გარემო და მომხმარებელზე ორიენტაცია. მსოფლიო ეკონომიკური ფორუმის კვლევის შედეგები ცხადყოფს, რომ ამ მხრივაც საქართველოში არასასურველი ვითარებაა: ბაზარზე რამდენიმე ბიზნეს-ჯგუფის დომინირება და ანტიმონოპოლიური პოლიტიკის უგულებელყოფა სერიოზული ბარიერია კვლევებისა და ინოვაციებისათვის.

ადგილობრივი კონკურენტუნარიანობის ინტენსიურობა: როგორ შეაფასებდით ადგილობრივი ბაზრის კონკურენტუნარიანობის ინტენსივობას?(1 = შეზღუდულია უმეტესად, 7 = ინტენსიურია უმეტესად).

ამ მაჩვენებლის მიხედვით მსოფლოში საშუალო ქულა 4.8-ს შეადგენს; რეიტინგში პირველ ადგილს ნიდერლანდები იკავებს (6.1 ქულა), ხოლო ბოლოს - ალჟირი (3.1 ქულა). საქართველო 3.9 ქულით 127-ე ადგილზეა. ასევე 3.9 ქულა აქვთ: მავრიტანიას, მალავის, ალბანეთს და ნიკარაგუას.

ცხრილი 9

ქვეყანა	ქულა (1-7)	ადგილი	ქვეყანა	ქულა (1-7)	ადგილი
საქართველო	3.9	127	ტაჯიკეთი	4.2	107
LMICG	4.5	-	უკრაინა	4.3	104
რუსეთი	4.0	124	ლატვია	4.9	69
ყირგიზეთი	4.0	123	ლიტვა	5.1	48
ყაზახეთი	4.1	113	ესტონეთი	5.5	25
მოლდოვა	4.2	108			

ეკონომიკური თეორიის პრობლემები

ბაზრის დომინანტურობის მასშტაბები: როგორ დაახასიათებდით კორპორატიულ აქტივობას თქვენს ქვეყანაში? (1 = დომინირებს რამდენიმე ბიზნეს-ჯგუფი, 7 = ფირმების დიდი რაოდენობაა ბაზარზე).

ამ მაჩვენებლის მიხედვით მსოფლოში საშუალო ქულა 3.8-ს შეადგენს; რეიტინგში პირველ ადგილს შევიცარია იკავებს (5.8 ქულა), ხოლო ბოლოს - ჰაიტი (2.4 ქულა). საქართველოს ამ რეიტინგში 3.2 ქულით 121-ე ადგილი უკავია. ასევე 3.2 ქულა აქვთ: უკრაინას, პორტუგალიას, სორვატიას და ლათინური ამერიკისა და აფრიკის ზოგიერთ განვითარებად ქვეყანას.

ცხრილი 10

ქვეყანა	ქულა (1-7)	ადგილი	ქვეყანა	ქულა (1-7)	ადგილი
საქართველო	3.2	121	სომხეთი	3.4	90
LMICG	-	-	აზერბაიჯანი	3.8	64
უკრაინა	3.2	108	ტაჯიკეთი	3.9	54
რუსეთი	3.3	107	ლატვია	4.0	51
ლიტვა	3.4	95	ესტონეთი	4.0	45

ანტიმონოპოლიური პოლიტიკის ეფექტიანობა: რამდენად უწყობს ხელს ანტიმონოპოლიური პოლიტიკა კონკურენციას თქვენს ქვეყანაში? (1 = არ უწყობს, 7 = ეფექტიანად უწყობს).

ამ მაჩვენებლის მიხედვით მსოფლოში საშუალო ქულა 4.0-ს შეადგენს; რეიტინგში პირველ ადგილს ნიდერლანდები იკავებს (5.7 ქულა). საქართველოს ამ რეიტინგში 2.9 ქულით 141-ე ადგილი უკავია და მხოლოდ სერბეთს, ჰაიტის და ბოლო ადგილზე მყოფ ვენესუელას უსწრებს. ასევე 2.9 ქულა აქვთ: ბურუნდის, იემენს, ყირგიზეთსა და ალჟირს.

ცხრილი 11

ქვეყანა	ქულა (1-7)	ადგილი	ქვეყანა	ქულა (1-7)	ადგილი
საქართველო	2.9	141	აზერბაიჯანი	3.5	114
LMICG	3.7	-	ლიტვა	3.7	97
უკრაინა	3.2	132	ყაზახეთი	3.7	95
მოლდოვა	3.2	130	ტაჯიკეთი	3.8	85
რუსეთი	3.4	124	ლატვია	4.1	70
სომხეთი	3.5	116	ესტონეთი	4.5	39

მომხმარებელზე ორიენტაციის ხარისხი: რამდენად აკმაყოფილებენ კომპანიები მომხმარებელთა მოთხოვნილებებს? (1 = ცუდად, 7 = მაღალი პასუხისმგებლობით ეკიდებიან).

ამ მაჩვენებლის მიხედვით მსოფლოში საშუალო ქულა 4.6-ს შეადგენს; რეიტინგში პირველ ადგილს იაპონია იკავებს (6.4 ქულა), ხოლო ბოლოს - ალჟირი (3.0 ქულა). საქართველოს ამ რეიტინგში 120-ე ადგილი უკავია 3.9 ქულით, ისევე, როგორც მონღოლეთს, ეთიოპიას და სიერა-ლეონეს.

ცხრილი 12

ქვეყანა	ქულა (1-7)	ადგილი	ქვეყანა	ქულა (1-7)	ადგილი
საქართველო	3.9	120	უკრაინა	4.6	70
LMICG	4.4	-	ლატვია	4.6	67
ყირგიზეთი	4.1	112	აზერბაიჯანი	4.7	56
ყაზახეთი	4.3	104	ესტონეთი	5.1	34
ტაჯიკეთი	4.3	102	ლიტვა	5.2	29
სომხეთი	4.4	98			

პროფესიული მენეჯმენტის შესაბამისობა: თქვენ ქვეყანაში იკავებენ თუ არა პროფესიონალები (და არა ნათესავები და მეგობრები) ხელმძღვანელ პოსტებს? (1 = როგორც წესი ნათესავები და მეგობრები, 7 = უმეტესად პროფესიონალები).

ამ მაჩვენებლის მიხედვით მსოფლოში საშუალო ქულა 4.3-ს შეადგენს; რეიტინგში პირველ ადგილს ახალი ზელანდია იკავებს (6.3 ქულა), ხოლო ბოლოს - ალჟირი (2.3 ქულა). საქართველოს ამ რეიტინგში 92-ე ადგილი უკავია 3.9 ქულით, ისევე, როგორც სომხეთს, იორდანას, უნგრეთს, ლებანონს, უგანდას, სენეგალს, ლესოტოს, ურუგვაისა და მოროკოს. საქართველოზე მეტად აფასებენ პროფესიონალიზმს, სხვა განვითარებულ ევროპისა და ამერიკის ქვეყნებთან ერთად, ბალტიისპირეთის ქვეყნები.

ცხრილი 13

ქვეყანა	ქულა (1-7)	ადგილი	ქვეყანა	ქულა (1-7)	ადგილი
საქართველო	3.9	92	ლატვია	4.3	60
LMICG	3.9	-	ლიტვა	4.4	55
სომხეთი	3.9	92	ესტონეთი	5.2	26
ყაზახეთი	4.0	87			

3. ფინანსებზე წვდომა

რაში მდგომარეობს ფინანსებზე წვდომის არსი?

ფინანსებზე წვდომა, ფართო გაგებით, ნიშნავს გონივრული და ხელსაყრელი პირობებითა და ხარჯებით სათანადო ხარისხის ფინანსური მომსახურების მიღების შესაძლებლობას.

ფინანსებზე წვდომის მასშტაბების გაფართოებას უკანასკნელ პერიოდში მთელ მსოფლიოში ძალიან დიდი ყურადღება ექცევა. ამ პროცესის ხელშეწყობის მიზნით ფინანსებზე წვდომის სტატისტიკური კვლევების წარმოების ინიციატივა ნიდერლანდების პრინცესას – მის აღმატებულებას მაქსიმას ეკუთვნის, რომელიც ამავე დროს არის გაეროს გენერალური მდივნის სპეციალური კონსულტანტი განვითარების მიზნით ფინანსების ჩართულობის საკითხებში. 2006 წელს ჩამოყალიბდა გაეროს მრჩეველთა ჯგუფი აღნიშნულ საკითხთან დაკავშირებით. ეს საკითხი აქტიურად განიხილებოდა დიდი ოცეულის 2009 (პიტსბურგი) და 2010 წლების (სეულის) შეხვედრებზე.

2009 წლის ოქტომბერში სსფ-სა და მსოფლიო ბანკის წლიურ შეხვედრაზე (სტამბული) გამოცხადდა ფინანსებზე წვდომის კვლევების (FAS) დაწყების თაობაზე პრინცესა მაქსიმასა და სსფ-ს ერთობლივი პროექტის შესახებ. ფინანსებზე წვდომის კვლევების (FAS) პროექტის თავდაპირველი დაფინანსება განახორციელა ნიდერლანდების მთავრობამ. 2010 წლის ივნისში გაეშვა სპეციალური ვებ-გვერდი (<http://fas.imf.org>), სადაც გამოქვეყნებულია ფინანსებზე წვდომის ყოველწლიური კვლევების შედეგები 187 ქვეყნის მიხედვით.

რამდენად ხელმისაწვდომია ფინანსები საქართველოში?

არაერთი კვლევა ადასტურებს, რომ ბიზნესის კეთების ხელისშემშლელ ფაქტორთა შორის საქართველოში ყველაზე დიდი ხვედრითი წილით - 15-16%-ით ფინანსებზე წვდომის დაბალი დონე სახელდება. მართლაც, მსოფლიო ეკონომიკური ფორუმის გამოკვლევით ფინანსური მომსახურების ხელმისაწვდომობის მაჩვენებლის მიხედვით ჩვენი ქვეყანა მე-100 ადგილზეა 144 ქვეყანას შორის. და ეს მაშინ, როცა იმავე გამოკვლევით, ბიზნესის დასაწყებად საჭირო პროცედურების რაოდენობით (2 პროცედურა) საქართველო მსოფლიოში მე-3 ადგილზეა და ამავე მიზნით საჭირო დროის მიხედვით (2 დღე) - მე-2 ადგილზე. გარდა იმისა, რომ კრედიტი ძნელი მოსაპოვებელია, იგი იაფი არ არის და დამწყებ საწარმოებს არ გააჩნიათ საკმარისი ძირითადი ფონდები კრედიტის უზრუნველყოფისათვის.

ფინანსური მომსახურების ხელმისაწვდომობა: რამდენად ფართო და მრავალფეროვან პროდუქტებსა და მომსახურებას სთავაზობს ფინანსური სექტორი ბიზნესს თქვენ ქვეყანაში? (1 = არა, არავითარს, 7 = გვთავაზობს დიდ მრავალფეროვნებას).

ამ მაჩვენებლის მიხედვით მსოფლოში საშუალო ქულა 4.5-ს შეადგენს; რეიტინგში პირველ ადგილს შვეიცარია იკავებს (6.5 ქულა), ხოლო ბოლოს - ბურუნდი (2.5 ქულა). საქართველოს ამ რეიტინგში მე-100-ე ადგილი უკავია 3.9 ქულით, ისევე, როგორც კამერუნს, ნეპალს, ტანზანიასა და ტაჯიკეთს.

ეკონომიკური თეორიის პრობლემები

ცხრილი 14

ქვეყანა	ქულა (1-7)	ადგილი	ქვეყანა	ქულა (1-7)	ადგილი
საქართველო	3.9	100	ლიტვა	4.5	74
LMICG	4.2	-	ლატვია	4.7	65
ყაზახეთი	4.5	79	ესტონეთი	5.0	43
სომხეთი	4.5	76			

ფინანსური მომსახურების ხელსაყრელობა: რამდენად კონკურენტული გარემოა ფინანსური მომსახურების მომწოდებლებს შორის ხელსაყრელი ფასების შეთავაზების თვალსაზრისით? (1 = არანაირი, 7 = ძალიან კარგი).

ამ მაჩვენებლის მიხედვით მსოფლოში საშუალო ქულა 4.2-ს შეადგენს; რეიტინგში პირველ ადგილს ჰონგ კონგი იკავებს (6.0 ქულა), ხოლო ბოლოს - ალჟირი (2.0 ქულა). საქართველოს ამ რეიტინგში 85-ე ადგილი უკავია 3.9 ქულით, ისევე, როგორც სენეგალს, ლიბერიას, კოლუმბიას, ტაჯიკეთსა და მალაიას.

ცხრილი 15

ქვეყანა	ქულა (1-7)	ადგილი	ქვეყანა	ქულა (1-7)	ადგილი
საქართველო	3.9	85	აზერბაიჯანი	4.1	70
LMICG	3.9	-	ესტონეთი	4.3	59
ყაზახეთი	4.0	78	ლატვია	4.4	58
ლიტვა	4.1	73	სომხეთი	4.5	48

სესხის აღების სიოფლი: რამდენად ადვილია თქვენ ქვეყანაში სესხის აღება კარგი ბიზნეს გეგმის საფუძველზე და უზრუნველყოფის გარეშე? (1 = ძალიან ძნელი, 7 = ძალიან იოლი).

ამ მაჩვენებლის მიხედვით მსოფლიოში მაქსიმალურმა ქულამ 4.9 შეადგინა და იგი ყატარს ეკუთვნის, მაშინ, როცა საშუალო ქულა 2.9-ა. ყველაზე დაბალი ქულა ბურუნდში დაფიქსირდა. საქართველო 2.5 ქულით 93-ე ადგილზეა. ამდენივე ქულა აქვთ: პოლონეთს, დომინიკის რესპუბლიკას, ნეპალს, ვენესუელასა და ხორვატიას.

ცხრილი 16

ქვეყანა	ქულა (1-7)	ადგილი	ქვეყანა	ქულა (1-7)	ადგილი
საქართველო	2.5	93	სომხეთი	2.8	69
LMICG	2.6	-	ესტონეთი	2.8	67
რუსეთი	2.6	86	აზერბაიჯანი	3.0	57
ლატვია	2.8	72	ტაჯიკეთი	3.1	49

ვენჩურული კაპიტალის ხელმისაწვდომობა: რამდენად ადვილია მეწარმისათვის ინოვაციური, მაგრამ რისიკიანი პროექტებისათვის ვენჩურული კაპიტალის მოძიება? (1 = ძალიან ძნელი, 7 = ძალიან ადვილი).

ამ მაჩვენებლის მიხედვითაც ჩანს, რომ დაფინანსების მოპოვება მთელ მსოფლიოში პრობლემაა: საშუალო ქულამ ამ რეიტინგის მიხედვით 2.7 შეადგინა. რეიტინგში პირველ ადგილს ყატარი იკავებს (4.7 ქულა), ხოლო ბოლოს - ჰაიტი (1.5 ქულა). საქართველოს ამ რეიტინგში 104-ე ადგილი უკავია 2.2 ქულით, ისევე, როგორც კოსტა-რიკას, ბენინს, ტიმორ-ლესტეს, ყაზახეთს, უკრაინას, შრი-ლანკას, კამერუნს, ვენესუელას, კორეისა და დომინიკის რესპუბლიკებს.

ფინანსებზე წვდომის კვლევის შედეგების მიხედვით (2011 წ.) მთლიან შიდა პროდუქტთან სესხების თანაფარდობის მაჩვენებლის მიხედვით საქართველო უსწრებს სამხრეთ კავკასიის ქვეყნებს, თუმცა სერიოზულად ჩამორჩება ლიტვას და ლატვიას, ასევე რუსეთს, ბელარუსს,

ნაწილი 1. საერთაშორისო, მარჯვენა დათავსება

ცხრილი 17

ქვეყანა	ქულა (1-7)	ადგილი	ქვეყანა	ქულა (1-7)	ადგილი
საქართველო	2.2	104	აზერბაიჯანი	2.8	59
LMICG	2.4	-	ტაჯიკეთი	2.9	50
სომხეთი	2.4	89	ლატვია	2.9	43
ლიტვა	2.4	86	ესტონეთი	3.2	33
რუსეთი	2.4	85			

უკრაინას, მოლდოვასა და ყაზახეთს. ასევე მოკრძალებულად გამოიყურება ჩვენი ქვეყნის საბანკო ინფრასტრუქტურაც:

ცხრილი 18

საბანკო ინფრასტრუქტურა და სესხების მოზრდილობა ⁴					
	ბანკებიდან ლიალეები 1,000 კვ.კმ.-ზე	ბანკებიდან ლიალეები 100,000 მოზრდილობა	ბანკომატები 1,000 კვ.კმ.-ზე	ბანკომატები 100,000 მოზრდილობა	სესხები/მშპ, %
საქართველო	10.46	19.57	22.56	42.21	37.48
აზერბაიჯანი	8.59	9.91	25.80	29.77	23.33
სომხეთი	16.26	18.76	35.43	40.88	35.69
ლატვია	9.31	30.02	19.41	62.57	92.22
ლიტვა			20.82	46.64	54.78
ესტონეთი	4.98	18.6	23.28	86.99	6.52
რუსეთი	2.73	37.09	11.25	152.94	63.86
ბელარუსი	0.83	2.10	16.35	41.12	90.74
უკრაინა	1.08	1.60	56.96	83.84	70.97
მოლდოვა	10.19	11.29	271.45	300.79	41.49
ყაზახეთი	0.15	3.38	3.00	65.8	47.78
ყირგიზეთი	1.44	7.27	2.40	12.07	14.71
ტაჯიკეთი	2.06	6.67	2.38	7.68	14.93
უზბეკეთი	22.37	47.72	2.13	4.54	25.31

4. ინოვაციური ტექნოლოგიების მასშტაბები: არსებული რეალობა და შესაძლებლობები

კონკურენტულ ბიზნეს გარემოში თანაარსებობა წარმოუდგენელია ახალი ინოვაციური ტექნოლოგიების გამოყენების გარეშე. თუმცა ისეთი ფაქტორების სიმპტომატურობა, როგორებიცაა ფინანსური რესურსების შეზღუდულობა, სუსტი მენეჯმენტი და განათლების დონის არაადეკვატურობა, რაზედაც მეტყველებს ზემოთ მოტანილი მონაცემები, ცხადია დაღს ასვამს იმ ამოსავალ შედეგობრივ მაჩვენებლებს, რაშიც ვლინდება ამა თუ იმ ქვეყნის ინოვაციური წინსვლა.


აღნიშნულის ნათელი დადასტურებაა საერთაშორისო ფინანსური კორპორაციის მიერ ჩატარებული საწარმოების კვლევის შედეგები (2008 წ.) მსოფლიოს 135 ქვეყანაში, რომელიც სხვებთან ერთად მოიცავდა კითხვებს ინოვაციებისა და ტექნოლოგიების გამოყენების შესახებ. კვლევაში საქართველოდან მონაწილეობდა 373 კომპანია (მრეწველობა - 122, ვაჭრობა - 110, დანარჩენი - 141) თბილისსა და 5 რეგიონში (კახეთი, შიდა ქართლი, იმერეთი, ქვემო ქართლი, მცხეთა-მთიანეთი).

⁴ <http://fas.imf.org>

ეკონომიკური თეორიის პრობლემები

ქვემოთ მოტანილი დიაგრამა⁵ თვალსაჩინოს ხდის ინოვაციური ტექნოლოგიების გამოყენების თვალსაზრისით საქართველს მდგომარეობას როგორც მთელ მსოფლიოსთან და აღმოსავლეთ ევროპისა და ცენტრალური აზიის რეგიონის (რომელსაც მიეკუთვნება საქართველო) ქვეყნების ჯგუფთან, ისე პოსტ-საბჭოთა ქვეყნებთან მიმართებაში. ხუთიდან მხოლოდ ერთი მაჩვენებლის - გარე აუდიტორის მიერ შემოწმებული წლიური ანგარიშგების მქონე ფირმების ხვედრითი წილის მიხედვით აქვს ქვეყანას უკეთესი პოზიცია რეგიონის საშუალო მაჩვენებელთან შედარებით (36.5 პროცენტი), რაც 47.5 პროცენტს შეადგენს, თუმცა საგრძნობლად ჩამორჩება ესტონეთს (65.3 პროცენტი) და ლატვიას (51.5 პროცენტი). როგორც დიაგრამიდან ჩანს, ბალტიის ქვეყნები მნიშვნელოვნად წინ არიან ყველა მაჩვენებლის მიხედვით, როგორც მთელი მსოფლიოს, ისე რეგიონის საშუალო მაჩვენებელთან შედარებით.

აღსანიშნავია, რომ არანაკლებ მნიშვნელოვან პოზიციებს იკავებს სომხეთი ისეთი მაჩვენებლების მიხედვით, როგორებიცაა საერთაშორისოდ აღიარებული ხარისხის სერტიფიკატების (26.9 პროცენტი) და უცხოური კომპანიების მიერ ლიცენზირებული ტექნოლოგიების მქონე საწარმოთა (40.4 პროცენტი) ხვედრითი წილის მიხედვით.





არაერთი ქვეყნის გამოცდილება ადასტურებს, რომ მაღალტექნოლოგიური ინოვაციები უმეტესწილად მცირე ბიზნესის წიაღში იბადება. ევროგაერთიანების მასშტაბით საწარმოების საერთო რაოდენობის 99 პროცენტს მცირე და საშუალო საწარმოები შეადგენენ, რომლებიც უზრუნველყოფენ სამუშაო ადგილების 67 პროცენტსა და მთლიანი შიდა პროდუქტის 60 პროცენტს ამ ტერიტორიაზე.⁶

საერთაშორისო ფინანსური კორპორაციის ზემოაღნიშნული კვლევა (რომელიც მოიცავდა 183 მცირე, 139 - საშუალო და 51 - დიდ საწარმოს) და მისი შედეგები უჩვენებს, რომ საქართველოში როგორც დიდი, ისე მცირე და საშუალო საწარმოები სარგებლობენ საბანკო მომსახურებით: მათ 90.8 პროცენტს გააჩნია სასესხო და შემნახველი ანგარიშები. თუმცა

⁵ <http://www.enterprisesurveys.org/Data/ExploreTopics/innovation-and-technology>

⁶ Tax Incentives for Research and Development: Trends and Issues. Science Technology Industry.OECD. 2002. <http://www.oecd.org/dataoecd/12/27/2498389.pdf>

მცირე და საშუალო საწარმოებს ნაკლებად მიუწევდათ ხელი სესხებზე, მაღალია იმ სესხების რაოდენობა, რომელთაც მოეთხოვებათ უზრუნველყოფა და ამ უკანასკნელის ხვედრითი წილი მოთხოვნილი სესხების მოცულობასთან მიმართებაში გაცილებით მაღალია, ვიდრე დიდ საწარმოებში.



არაერთი ქვეყნის გამოცდილება ადასტურებს, რომ ჩასახვისა და საწყის ეტაპზე მცირე ბიზნესის ფინანსური მოთხოვნები მცირეა. მაგალითად, 2000 წელს აშშ-ში სწრაფად მზარდი მცირე ბიზნესის გამოკვლევებმა ცხადყო, რომ გამოკვლეულ კომპანიათა 16-მა პროცენტმა თავისი ბიზნესი დაიწყო 1000 დოლარით, 42-მა პროცენტმა არაუმეტეს 10 000 დოლარით, ხოლო 58-მა პროცენტმა - 20 000-მდე დოლარით⁷. თუმცა, სესხის უზრუნველყოფისათვის საკმარისი აქტივების არქონის გამო, მცირე ბიზნესისათვის ფინანსებზე წვდომა უადრესად გართულებულია.

⁷Financing Innovative Development: Comparative Review of the Experiences of UNECE Countries in Early-Stage Financing. UNECE.UN. 2007.

5. მცირე და საშუალო ბიზნესი: ინფორმაციული უზრუნველყოფის პრიორიტეტები

მსოფლიო ეკონომიკის თანამედროვე განვითარებისათვის დამახასიათებელი არსებითი ნიშანია პრობლემათა კომპლექსურობა. ასეთ ვითარებაში დიდი მნიშვნელობა აქვს მათი გადაჭრის გზების პრიორიტეტების სწორად განსაზღვრას. გადაჭარბების გარეშე შეიძლება ითქვას, რომ დღეისათვის მცირე და საშუალო ბიზნესში ინოვაციების მხარდაჭერისა და წახალისების მიზანმიმართულ პოლიტიკას ალტერნატივა არა აქვს. თუმცა, იმისათვის, რომ ეს განხორციელდეს, მე-20 საუკუნის ცნობილი ეკონომისტისა და პოლიტოლოგის, ი.შუმპეტერის ზემოთ მოტანილი გამონათქვამის პერფორაციას თუ მოვახდენთ, უნდა ვიცოდეთ რას და რატომ უნდა დაუჭიროთ მხარი, ანუ რაოდენობრივად უნდა შევისწავლოთ მცირე და საშუალო ბიზნესი და მათი ინოვაციური შესაძლებლობები და საფუძვლად დაუდოთ იგი სწორი პოლიტიკის შემუშავებას. მეტიც: ინფორმაცია მცირე ბიზნესისა და მისი ინოვაციური შესაძლებლობების შესახებ ინვესტორებს შესაძლებლობას მისცემს სწორად შეაფასონ შესაძლო რისკები და მიიღონ გადაწყვეტილებები ამ სფეროს მხარდაჭერისა და განვითარებისათვის.

მე-20 საუკუნის 90-იან წლებამდე საქართველოში კვლევებისა და ინოვაციების სტატიტიკა მოიპოვებდა საკმაოდ დეტალურ ინფორმაციას ამ სფეროს მდგომარეობისა და განვითარების ტენდენციების შესახებ. დღეისათვის კი სტატიტიკის ეს დარგი ფაქტურად არ არსებობს. უფრო მეტიც: ამ სფეროში თვით ცნებებისა და კატეგორიების დადგენის პრობლემატიკა მრავლადაა.

სტატიტიკური დაკვირვების პროგრამის შედგენისას გადამწყვეტი მნიშვნელობა აქვს დაკვირვების ობიექტთან დაკავშირებულ კლასიფიკაციებს და მათ სწორად გამოყენებას. ჩვენს ქვეყანაში მცირე და საშუალო საწარმოების ცნებების განსაზღვრასთან დაკავშირებით არაერთგვაროვანი დამოკიდებულება არსებობს. კერძოდ, სიდიდის მიხედვით საწარმოების დაყოფისადმი განსხვავებული მიდგომაა საქსტატში და საგადასახადო კოდექსში.

სიდიდის მიხედვით საწარმოთა ასეთი განსხვავებული კლასიფიკაციის არსებობის პირობებში წარმოუდგენელია მათზე სტატიტიკური დაკვირვების ჩატარება. საწარმოები და ორგანიზაციები სამართლებრივ ურთიერთობებში არიან სახელმწიფოსთან და შესაბამისად

ეკონომიკური თეორიის პრობლემები

ცხრილი 19.

საწარმოთა კატეგორიზაცია მათი ზომის მიხედვით საქსტატისა და საგადასახადო კოდექსის მიერ

საწარმოთა კატეგორიები	საქსტატის მიხედვით ⁸		საგადასახადო კოდექსის მიხედვით	
	დასაქმებულთა საშუალოწლიური რაოდენობა, კაცი	საშუალოწლიური ბრუნვა, ლარი	დასაქმებულთა საშუალოწლიური რაოდენობა, კაცი	ერთობლივი შემოსავალი კალენდარული წლის განმავლობაში, ლარი
მსხვილი საშუალო	>100	> 1500 000	X	X
	10 - 20	500 000 – 1500 000	X	X
მცირე	<20	<500 000	მცირე ბიზნესის სტატუსი შეიძლება მიენიჭოს მეწარმე ფიზიკურ პირს; დასაქმებულთა რაოდენობა კოდექსით განსაზღვრული არ არის	< 100 000
მიკრო	X	X	მიკრო ბიზნესის სტატუსი შეიძლება მიენიჭოს ფიზიკურ პირს, რომელიც არ იყენებს დაქირავე-ბულ შრომას	< 30 000

საგადასახადო კოდექსით განსაზღვრული რეგულაციებით ფუნქციონირებენ და აწარმოებენ ანგარიშგებას, მაშინ, როცა სტატისტიკის სამსახურსა და საწარმოებს შორის ურთიერთობები არავითარი სამართლებრივი ნორმებით არ არის გამყარებული. სტატისტიკის შესახებ დღეისათვის მოქმედი კანონი საწარმოებსა და ორგანიზაციებს არ ავალდებულებს სტატისტიკის სამსახურში წარადგინონ ანგარიშგება.

მიუხედავად ამ პრობლემებისა, საქართველოს ეროვნული ბანკი, კომერციული ბანკების სტატისტიკური ანგარიშგების ფარგლებში, მუშაობს კომერციული ბანკებიდან მცირე და საშუალო ბიზნესის დაფინანსების შესახებ ინფორმაციის მიღების სქემაზე, რაც ახლო მომავალში ხელმისაწვდომი იქნება სტატისტიკის მომხმარებლისათვის.

ძირითადი მიგნებები და წინადადებები

თანამედროვე რეალობაში კვლევები და ინოვაციები უაღტერნატივოდ იმსახურებს ხელშეწყობასა და წახალისებას, რის გარეშეც წარმოუდგენელია ამა თუ იმ ეროვნული ეკონომიკის წინსვლა და განვითარება.

წინამდებარე მიმოხილვა ერთმნიშვნელოვნად იძლევა იმის საფუძველს, რომ საქართველოში კვლევებისა და ინოვაციების მდგომარეობა მივიჩნიოთ კატასტროფულად და მსოფლიომეურნეობრივი პროცესების თანამედროვე განვითარებასთან შეუსაბამოდ. ამასთან, პრობლემის კომპლექსურობა აშკარაა და მისი დაძლევის გზები განათლების, ბიზნესის, კანონმდებლობის, ფინანსების სფეროებში არის საძიებელი. თუმცა არა მარტო: ისეთ გამოწვევას, როგორიცაა კვლევები და ინოვაციები და მათი ბიზნესის სამსახურში ჩაყენება აუცილებლად ესაჭიროება დროული „დიაგ-

⁸ http://www.geostat.ge/?action=page&p_id=61&lang=geo

ნოსტირება” და ამ საქმეში სტატისტიკის როლი განუზომელია. სამწუხაროდ, საქართველოს სტატისტიკური სისტემა დღემდე არ აღმოჩნდა მოწოდებული იმისათვის, რომ ზემოაღნიშნული პრობლემების რაოდენობრივი შეფასება თავისი საქმიანობის ერთ-ერთ პრიორიტეტად განესაზღვრა.

რეალური დემოკრატიული ფასეულობები და ბაზარსა და სოციალურ კეთილდღეობაზე ორიენტირებული საზოგადოება არის ის მყარი მამოძრავებელი ძალა, რის გარეშეც სტატისტიკის განვითარება შეუძლებელია. არადემოკრატიული გარემო აფერხებს სტატისტიკის განვითარებას. გამომდინარე იქიდან, რომ თანამედროვე მსოფლიო მეურნეობრივი პროცესები უსწრაფესი ტემპით ვითარდება, სტატისტიკის წინსვლის შეფერხება უდაოდ დიდი რისკების მატარებელია ამა თუ იმ ეროვნული ეკონომიკის მსოფლიო ინტეგრაციულ პროცესებში მონაწილეობის შესაძლებლობების განვითარებისა და გაღრმავების თვალსაზრისით. თუნდაც ცალკე აღებული გლობალური კონკურენტუნარიანობის ინდექსი და ამ მაჩვენებლის საერთაშორისო შედარებების საჭიროება ერთმნიშვნელოვნად მიუთითებს იმაზე, რომ ის სფეროები, რომლებიც მოცულია ამ ინდექსის მაჩვენებელთა სისტემით, აშკარად პრიორიტეტულია სასურველი კონკურენტუნარიანობის მისაღწევად და ღირსეული ადგილის დასაკავებლად თანამედროვე მსოფლიოში.

არაერთი სამეცნიერო და პრაქტიკული კვლევა ადასტურებს იმ ფაქტს, რომ მცირე ბიზნესი არის ამა თუ იმ ეკონომიკის ხერხემალი და მამოძრავებელი ძალა. ამავე დროს მცირე ბიზნესის წილი არის ის აუცილებელი გარემო და კატალიზატორი, რაც აუცილებელია კვლევა-

ბისა და ინოვაციების გენერირებისათვის. ამდენად, მცირე ბიზნესის ხელშეწყობა გარემოზე ზრუნვა, როგორც საკანონმდებლო, ისე რესურსული თვალსაზრისით, უაღრესად მნიშვნელოვანია. სამწუხაროდ, როგორც ზემოთ მოტანილი მონაცემები ცხადყოფს, ჩვენს ქვეყანაში მცირე ბიზნესი გაცილებით უარეს პირობებშია ფინანსური უზრუნველყოფის თვალსაზრისით, ხოლო სამართლებრივი გარემო, საკუთრების დაცვის, მათ შორის ინტელექტუალური საკუთრების, საგადასახადო თუ საინვესტიციო საქმიანობისფეროებში - ნაკლებკომფორტული; განუვითარებელია საინოვაციო ინფრასტრუქტურა (ტექნოპარკები, ინტელექტუალური საკუთრების ბირჟები, ბიზნეს-ინკუბატორები, მცირე საინოვაციო საწარმოები და ა.შ.). თუმცა, ეს სეგმენტიც, როდენობრივი შესწავლის თვალსაზრისით, რამაც ხელი უნდა შეუწყოს სათანადო პოლიტიკის შემუშავებას ამ სფეროში, სახელმწიფოებრივი ყურადღების მიღმა დარჩენილი.

განსაკუთრებით მნიშვნელოვანია ფინანსური ინსტიტუტების გააქტიურება ინოვაციური ფინანსური ინსტრუმენტების შემოღებისა და მცირე ბიზნესისათვის ხელმისაწვდომი და ხელსაყრელი სასესხო პროდუქტების შეთავაზების თვალსაზრისით. აქედან გამომდინარე, საჭიროა დიდი მნიშვნელობა მიენიჭოს ფინანსურ სექტორში რეალური კონკურენტული გარემოს უზრუნველყოფას ამ სფეროში ინოვაციური ტენდენციების დასამკვიდრებლად.

თუმცა, ზემოაღნიშნული პრობლემების მოგვარება პრიორიტეტულად ვერ იქცევა მათდამი სახელმწიფოს მხრიდან მკაფიო და მიზანმიმართული პოზიტიური დამოკიდებულების გამოხატვის გარეშე, რაც თანმიმდევრული პროგრამული მიდგომის გარეშე ვერ განხორციელდება.

ბამოყენებული წყაროები:

1. The Global Competitiveness Report 2012-2013. World Economic Forum – Geneva Switzerland 2012. P.8. <http://reports.weforum.org/global-competitiveness-report-2012-2013/#>
2. Financing Innovative Development: Comparative Review of the Experiences of UNECE Countries in Early-Stage Financing. UNECE. UN. 2007.
3. Tax Incentives for Research and Development: Trends and Issues. Science Technology Industry. OECD. 2002. <http://www.oecd.org/dataoecd/12/27/2498389.pdf>
4. Tax Incentives for Research and Development: Trends and Issues. Science Technology Industry. OECD. 2002. <http://www.oecd.org/dataoecd/12/27/2498389.pdf>
5. http://www.geostat.ge/?action=page&p_id=61&lang=geo
6. <http://www.enterprisesurveys.org/Data/ExploreTopics/innovation-and-technology>
7. <http://fas.imf.org>
8. <http://www.weforum.org/>

INNOVATIONS: THE NO ALTERNATIVE WAY TO THE COMPETITIVENESS
Survey of International Statistical Studies

NANA ASLAMAZISHVILI

*Association ESIDG Member, Academic Doctor of Economics,
Head of Monetary Statistics Division of the National Bank of Georgia*

MARIAM DATASHVILI

magistrant of GTU

We all are witnesses of the terrific speed with which the world economy and society as a whole are being changed. Correspondingly grows an interest in statistics, which is designed to reflect these changes, their progress and outcomes. The purpose of this article is to investigate on the basis of international statistical data the state of affairs and key tendencies that are observable in the sphere of research and innovation in our country. The sad reality is such that the country's statistics system fails to ensure permanent studies of these and other tendencies. However, thanks to the efforts of international organizations, the domain of information that contributes to statistical studies of economic activity of a specific sphere and their international comparison is being more and more widened.

The World Economic Forum is one of the international organizations, which make accessible to society the information necessary for international comparison. For more than three decades, the World Economic Forum's annual *Global Competitiveness Reports* have studied and benchmarked the many factors underpinning national competitiveness. The base line traceable in the course of an empirical analysis of the Global Competitiveness Index (GCI) and its components consists in the fact that the competitiveness index dynamics of our country reveals a manifest inconsistency with the dynamics of the same Index's components, such as macroeconomic environment, effectiveness of anti-monopoly policy, capacity for innovation, tertiary education enrollment of the labor force, extent of staff training, production process sophistication, etc. In the world ratings compiled on the basis of these indicators, Georgia fails to rank among the first hundred of countries; the present survey unambiguously gives grounds to consider the state of research and innovation in Georgia to be catastrophic and inconsistent with the modern development of global economy processes. In addition, the problem's complexity is obvious and the ways of its overcoming are to be sought in the sphere of education, business, and legislation. But not only that: such a challenge as research and innovation and their placement at the service of business require timely "diagnostics" and the role of statistics herein is immense.

The resolution of the above problems will not, however, become a priority task without a clear-cut and purposeful positive attitude towards them on the part of the state, which will, in turn, require a consistent and program approach.